

51') 1530. Die 30 martii. In Consilio X.

Sono stà fate per questo Conseio in diversi tempi molte savie et necessarie provision per rimover li zuogi et altri inonesti modi etc. (2).

52 A dì 31, la matina. Vene in Collegio l' orator de l' imperator, zerca li danari se li dà, che per li capitoli voleno ducati d' oro, et nui li volemo dar scudi. Et il Serenissimo li disse si parlaria con domino Gasparo Contarini, qual ha tratà questa materia. Et fo mandato per ditto sier Gasparo, poi parlito esso orator, qual disse che con effeto dieno haver ducati d' oro in oro. Et li capitoli fati in Vormatia diceva scüdi, ma questi voleno d' oro in oro.

Vene il legato, et ave audientia con li Cai di X, per certa materia.

Veneno li patroni a l'arsenal con sier Zuan Antonio da chà Taiapiera eletto capitanio di la barza, dicendo, hozi a hore 17 l' aqua sarà grande et voleno varar la nave piccola di bote zerca 800, che è compida. Et il Serenissimo disse voler venir con li piati, et fo mandà a tuor li piati, ma stefeno assà a venir. Et fo *etiam* pioza, pur Soa Serenità montò con parte del Collegio et altri zentilomeni pochi, et come fono al ponte di Castelo, per il vento, il piato se intressò nel ponte, et poco mancò non si rompesse. In questo mezo, hessendo l' aqua granda, li protti et altri di l' Arsenal non volseno aspetar el Serenissimo, et con il nome di Christo varono la dita nave, la qual vene zoso, per il muro roto, galantemente, et fo retenuta li, et doman sarà menata per via del ponte di Castelo, qual è stà roto, et cavà li pali in canal di le Nave, dove se li meterà savorna et l' arborio.

Tuto hozi fo grandissima pioza, qual val tanto oro a le campagne et a le biave.

Da poi disnar, fo Pregadi per far li Savi di Collegio, et si redusse tardi, et leto le lettere di Mantoa, Cremona et Verona scrite di sopra.

Item, alcuni avisi di Mantoa. Come, per lettere aute di l' archiduca, la città di Arzentina havia lassà la secta luteriana et tornata a la fede; bene feva dir messa in chiesa, et

(1) La carta 50* è bianca.

(2) Questa è la medesima Parte, che si trova a carta 47 dell' originale, ed è pubblicata più sopra. Occupa le carte 51 e 51*.

Cinque Savii ai ordeni.

52*

Sier Alexandro Valaresso, qu. sier Valerio	133.115
Sier Zuan Soranzo, qu. sier Nicolò	116.126
Sier Piero Justinian fo avvocato grande, qu. sier Alvise	144. 94
† Sier Filippo di Garzoni fo Extraordinario, di sier Francesco qu. sier Marin procurator	175. 66
Sier Andrea Boldù fo podestà a Portogruer, qu. sier Hironimo	127.118
Sier Marco Antonio Malipiero fo a lo armamento, di sier Zuane	117.121
† Sier Polo Donado, di sier Vetur	179. 62
† Sier Anzolo Michiel, qu. sier Nicolò, el dottor	175. 67
Sier Nicolò Donado, di sier Tomà, fo camerlengo et castelan in Antivari	125.115
Sier Hironimo Malipiero fo podestà a Castelfranco, qu. sier Sebastian	162. 76
Sier Bortolomio da chà da Pexaro fo conte a Pago, qu. sier Andrea	152. 88
Sier Alvixe Minio fo a l' Armamento, qu. sier Lorenzo	111.133
Sier Marco Antonio Bragadin, qu. sier Zuan Francesco, fo camerlengo in Candia	129.112
Sier Andrea Simitecolo, qu. sier Alexandro	125.124
Sier Lodovico Foscarini, di sier Michiel	122.121
Sier Stai Balbi fo patron in Alexandria, qu. sier Zaccaria	115.119
Sier Lunardo Marin fo savio ai Ordini, qu. sier Tomà	148. 97
Sier Vincenzo Barozi fo savio ai Ordini, di sier Giacomo	152. 91
† Sier Lunardo Loredan fo V di la Paxe, qu. sier Berti	179. 64
† Sier Zuan Zane avvocato grande, qu. sier Alvise	167. 82

Due Savi del Conseio, il terzo intra sier Gasparo Contarini, che li fo risalvò a intrar.

Sier Marco Foscari fo ambassador al Summo pontefice, qu. sier Zuane	93.147
† Sier Lorenzo Loredan procurator fo	